

eorum corpora sepeliri debeant in ecclesia cathedrali, ac solvi emolumenta funeralia illius ecclesie parrocho, vel potius in ecclesia parochiali intra cuius districtum decedunt, ac solvi emolumenta funeralia parrocho dictae ecclesie, in casu, etc.

XIV. An praedictis eligentibus legitime sepulturam in aliqua ecclesia, quarta funeralis solvi debeat parrocho cathedralis, vel parochialis in qua decedunt, in casu, etc.

XV. Quid servandum quoad praedictos qui cives Savonenses forent, et habitarent in domo propria, vel privata propriis sumptibus conducta, in casu, etc.

Sacra congreg. Conc. die 3 Decembris 1712 respondit: *Ad XI, affirmative quoad eos tantum qui omnino deseruerunt domicilium; ad XII, XIII, XIV, affirmative quoad primam, et negative quoad secundam partem; ad XV, spectare ad parochum ecclesie parochialis, in cuius parochia habitant.*

19. SAVON. *Jurium parochialium*, in qua ad seq. dub.

XVI. An officiales belli quocunque nomine nuncupentur habitantes in civitate Savonae, vel in quarteriis, et domo publica vel privata, aut in ea degentes una cum eorum familiis, subjiciantur parrocho ecclesie cathedralis quoad receptionem omnium sacramentorum, vel potius parrocho ecclesie parochialis intra cuius districtum habitant, vel decedunt, in casu, etc.

XVII. An praedictis non eligentibus sepulturam, eorum corpora sepeliri debeant in ecclesia cathedrali, ac solvi emolumenta funeralia illius ecclesie parrocho, aut potius in ecclesia parochiali, intra cuius districtum decedunt, ac solvi emolumenta funeralia parrocho dictae ecclesie, in casu, etc.

XVIII. An praedictis eligentibus legitime sepulturam in aliqua ecclesia, quarta funeralis solvi debeat parrocho cathedralis, vel parrocho ecclesie parochialis intra cuius districtum decedunt, in casu, etc.

XIX. An domus publica intelligenda sit illa, quae partim sumptibus publicis, partim privatis conducitur, vel potius illa, quae tota sumptibus publicis conducitur ad effectus supradictos?

XX. Quid servandum quoad praedictos officiales belli qui cives Savonenses forent, in casu, etc.

Sac. congreg. Conc. die 17 Decemb. distulit propositionem, die vero 21 Januarii 1713 respondit; *ad XVI usque ad XVIII inclusive, affirmative quoad primam, et negative quoad secundam partem; ad XIX, non indigere responsione; ad XX, spectare ad parochos.*

20. SAVON. *Jurium parochialium*, in qua ad seq. dub.

XXI. An milites omnes habitantes in civitate Savonae, vel in quarteriis, et domo publica, vel privata, aut in ea decedentes una cum eorum familiis subjiciantur parrocho ecclesie cathedralis quoad receptionem omnium sacramentorum, vel potius parrocho ecclesie parochialis intra cuius districtum habitant, vel decedunt, in casu, etc.

XXII. An praedictis non eligentibus sepulturam, eorum corpora sepeliri debeant in ecclesia cathedrali, ac solvi emolumenta funeralia illius ecclesie parrocho, vel potius in ecclesia parochiali intra cuius districtum decedunt ac solvi emolumenta funeralia parrocho dictae ecclesie, in casu, etc.

XXIII. An praedictis eligentibus legitime sepulturam in aliqua ecclesia, quarta funeralis solvi debeat parrocho parochialis intra cuius districtum decedunt, in casu, etc.

XXIV. Quid servandum quoad praedictos milites qui cives Savonenses forent, in casu, etc.

XXV. An carcerati in carceribus criminalibus domini gubernatoris, ibique degentes, aut decedentes, sive sint Savonenses, sive exteri, subjiciantur parrocho ecclesie cathedralis quoad receptionem omnium sacramentorum, vel potius parrocho eccle-

siae parochialis, intra cuius districtum reperiuntur carceres, in casu, etc.

XXVI. An praedictis non eligentibus sepulturam, eorum corpora sepeliri debeant in ecclesia cathedrali ac solvi emolumenta funeralia illius ecclesie parrocho, vel potius in ecclesia parochiali intra cuius districtum carceres reperiuntur, ac solvi emolumenta funeralia parrocho dictae ecclesie, in casu, etc.

XXVII. An praedictis eligentibus legitime sepulturam in aliqua ecclesia, quarta funeralis solvi debeat parrocho cathedralis, vel parrocho ecclesie parochialis, intra cuius districtum reperiuntur carceres, in casu, etc.

XXVIII. An idem, quod servatum est quoad carceratos in carceribus criminalibus, servandum sit quoad carceratos in carceribus civilibus vulgo dictis male paghe.

Sac. congreg. Concil. die 1 April. 1713 distulit propositionem, die vero 13 Maii ejusdem anni rescripsit: *Ad XXI, XXII et XXIII, affirmative quoad primam, et negative quoad secundam partem; ad XXIV, spectare ad parochos; ad XXV, XXVI et XXVII, affirmative quoad primam, et negative quoad secundam partem; ad XXVIII, subjici propriis parochis respective.*

21. SAVONEN. *Jurium parochialium*, in qua ad seq. dub.

XXIX. An damnati ad mortem subjiciantur parrocho ecclesie cathedralis quoad receptionem sacramentorum, vel potius parrocho ecclesie parochialis in cuius districtu reperiuntur carceres, in casu, etc.

XXX. An praedictis non eligentibus sepulturam, eorum corpora sepeliri debeant in ecclesia cathedrali, ac solvi emolumenta funeralia illius ecclesie parrocho, vel potius in ecclesia parochiali intra cuius districtum carceres criminales reperiuntur, ac solvi emolumenta funeralia parrocho dictae ecclesie, in casu, etc.

XXXI. An praedictis eligentibus legitime sepulturam in aliqua ecclesia, quarta funeralis solvi debeat parrocho cathedralis, vel parochialis in cuius districtu reperiuntur dicti carceres.

XXXII. An jus baptizandi pueros natos intra octavam Paschatis, resurrectionis, et octavam Pentecostes, spectet ad parochum cathedralis, vel potius ad alios parochos, in quorum parochiis nascuntur.

XXXIII. An privative, vel cumulative, in casu, etc.

XXXIV. Et an sit intelligendum etiam de illis pueris natis intra octavas praedictas, quos baptizari contingat extra easdem octavas, in casu, etc.

Sac. congreg. Concil. die 17 Junii 1714 respondit: *Ad XXIX, XXX, XXXI et XXXII, affirmative quoad primam, et negative quoad secundam partem; ad XXXIII, privative; ad XXXIV, affirmative.*

22. BALNEOREGIEN. *Missae parochialis, et conventualis*, in qua ad seq. dub.

I. An canonici ecclesie cathedralis et parochialis Balneoregii teneantur applicare quotidie Missam conventualem pro fundatoribus et benefactoribus, in casu, etc., et quatenus affirmative,

II. An singuli canonici teneantur a die adepti canonicatus satisfacere Missas conventuales usque adhuc non applicatas, in casu, etc.

III. An Missae de anniversario, quae cantantur in choro in quatuor mensibus anni diebus non impeditis cedere debeant loco Missae conventualis, in casu, etc., et quatenus negative,

IV. An canonici teneantur celebrare et applicare tam dictas Missas de anniversario, quam conventuales, in casu, etc.

V. An ultra Missam conventualem sit celebranda et applicanda diebus festis Missa parochialis a canonicis per turnum, sive potius a canonicis curatis,

in casu, etc., et quatenus affirmative, vel a curatis, vel a canonicis singulis per turnum?

VI. An occurrente quod praedicti duo canonici curati, vel alii canonici, celebrent Missam conventualem, per turnum diebus Dominicis, ac festis de praeepto, tunc teneantur per alium celebrari facere Missam parochialem, in casu, etc.

VII. An, quatenus Missa parochialis sit celebranda in diebus festis a canonicis curatis in parochia contra Rehotae, sufficiat celebratio et applicatio unius Missae pro populo, seu potius ambo canonici curati teneantur ad applicationem supradictae Missae, in casu, etc.

VIII. An canonicus curatus eccl. parochialis contra Civitae, ubi residere tenetur, exemptus a servitio chori, teneatur per turnum cantare et applicare in cathedrali Missam conventualem, et celebrare aliam missam in aurora, quae celebratur per turnum in dicta ecclesia ab omnibus canonicis, tam diebus festis, quam ferialibus, in casu, etc., et quatenus affirmative in omnibus,

IX. An occurrente quod celebret per turnum Missam conventualem, sive aliam in aurora diebus festis de praeepto, tunc teneatur per alium celebrari facere Missam parochialem in ecclesia parochiali Civitae, in casu, etc.

Sac. congreg. Concil. die 8 Julii 1714 distulit propositionem, die vero 19 Augusti ejusdem anni respondit: *Ad I et II, affirmative; ad III, negative; ad IV, affirmative; ad V, negative quoad primam, et affirmative quoad secundam partem; ad VI, affirmative; ad VII, sufficere unicam celebrationem, et applicationem; ad VIII, negative; ad IX, provisum in octavo.*

23. NULLIUS. *Altamurae conservatorii, et exemptionis*, in qua ad sequent. dub.

I. An electio episcopi Bitecten. in conservatore sustinetur, in casu, etc., et quatenus negative,

II. An teneantur PP. Minores observantes eligere conservatorem in civitate Altamurae, vel possint in alia civitate viciniore alterius dioecesis, in casu, etc.

III. An conservator praedictus possit cognoscere causas civiles contentiosas ad. religiosorum, et eorum syndici, sive potius earum cognitio spectet ad Ordinarium, in casu, etc., et quatenus affirmative quoad primam partem,

IV. An dictus conservator debeat uti actuario curiae archiepiscopalis, et delegare cognitionem dictarum causarum in ipsa civitate Altamurae, in casu, etc.

V. An in concernentibus correctionem morum syndicus ditorum religiosorum sit exemptus a jurisdictione Ordinarii, in casu, etc.

Sac. congreg. Concil. die 13 Julii 1715, distulit propositionem; die vero 3 Augusti dicti anni respondit: *Ad I, negative; ad II, affirmative, quoad primam partem, et negative quoad secundam partem; ad III et IV, dilata, et particulariter scribatur; ad V, negative.*

24. LUCANA *Juris deferendi crucem*, in qua ad seq. dub.

An liceat episcopo Lucano ingredi erecta cruce ecclesiam S. Frigidiani canonicorum Lateranensium, in casu, etc.

Sac. congreg. Concil. die 4 Julii 1716, distulit propositionem, die vero 8 Augusti ejusdem anni respondit: *affirmative.*

25. TUDERTINA *Capellaniae*, in qua ad seq. dub.

I. An clericus Cajetanus Corsetti teneatur ad onera de novo apposta in nominatione de se facta a confratribus, et non memorata in fundatione.

II. An idem ordinari possit ad titulum ejusdem capellaniae, superaddito ex bonis patrimonialibus alio annuo reddito scutorum decem.

Sac. congreg. Conc. die 12 Martii 1718, respondit: *Ad I, negative, et amplius; ad II, affirmative.*

26. CASALEN. *Montis pietatis*, in qua ad seq. dub. An, et pro qua summa, et quomodo oratorum precibus sit annuendum.

Sac. congreg. Conc. diei 12 Martii 1718 respondit: *Affirmative pro aliis scutis 6000 cum iisdem cautelis et conditionibus apposis in praecedentibus concessionibus, et ad mentem.*

27. AQUIBENDII. *Visitationis sacrorum limitum*, in qua ad sequens dub.

An in casu, de quo agitur, permissum esse valeat episcopo concedenti sacerdotibus regularibus facultatem audiendi confessiones saecularium, injungere ut intersint congregationibus Casuum conscientiae.

Sacra congreg. Conc. die 12 Martii 1718 respondit: *negative; et detur decretum in Forosempronien. 12 Maii 1688.*

28. FERRARIEN. *Applicationis Missarum*, in qua ad seq. dub.

I. An capellani instituti a Calamello de Calamellis teneantur quocunque die Missam applicare pro anima fundatoris, et ejus propinquorum, et quatenus negative,

II. An teneantur tantummodo applicare Missas diebus ferialibus in quibus in Calendario dicitur de ea; et quatenus negative,

III. In quibus diebus teneantur applicare.

Sac. congreg. Conc. die 26 Martii 1718 respondit: *Ad I, affirmative. In reliquis satis provisum.*

29. FLORENTINA. *Praeeminentiarum* in qua ad seq. dub.

I. An canonicus coadjutus possit per se ipsum explere functiones nuncupatas de hebdomada, et turno, in casu, etc.

II. An eo impedito, vel nolente, possit dd. functiones peragere coadjutor, seu potius jus ea explendi devolvatur ad canonicum in turno succedentem, in casu, etc.

Sac. congreg. Conc. die 9 Aprilis 1718 respondit: *Ad I, affirmative, et amplius; ad II, affirmative quoad primam partem, et negative quoad secundam.*

30. MEDIOLANEN. *Reductionis Missarum*, in qua ad sequens dub.

An supposito quod nullus invenitur sacerdos qui velit Missam quotidianam celebrare pro annua elemosyna librarum 400 a testatore praescripta, sit locus reductioni, in casu, etc.

Sacra congreg. Conc. die 9 Aprilis 1718 respondit: *Affirmative.*

31-32. PAPIEN. In qua ad sequens dub.

An Ordinarius dispensare valeat in irregularitate ex homicidio contracta in casu et ad effectum de quo agitur.

Sac. congreg. Conc. die 21 Maii 1718 respondit: *Negative.*

In oratoriis convictoribus discipulis, et domesticis, hoc est illis qui actu degunt in collegio, et illi inserviunt, communicatio paschalis administrari non potest: sac. congreg. Conc. 11 Julii 1718.

33. NOVARIEN. *Aggregationis*, in qua ad seq. dub.

I. An confraternitas aggregata gaudeat solum indulgentiis, vel potius etiam privilegiis archiconfraternitatis aggregantis, in casu, etc.

II. An SS. Eucharistiae sacramentum retineri possit in oratorio confraternitatis, in casu, etc.

III. An cum licentia episcopi, et sine consensu parochi, fieri possit in oratorio confratrum expositio infra annum, et praecipue Quadragesima Horarum in octava defunctorum, in casu, etc.

IV. An parochus possit impedire celebrationem Missarum solemniem in dicto oratorio per annum, sive pro vivis, sive pro defunctis, etiam post Missam parochialem, in casu, etc.

V. An liceat dictae confraternitati facere processiones, tam intra ambitum dicti oratorii, quam ex-



tra illum absque licentia parochi per cuius parochiam transeundum est, in casu, etc.

VI. An capellanus dicte confraternitatis possit deferre stolam in dictis processionibus in oratorio tantum, seu extra oratorium, in casu, etc.

VII. An et quomodo possit parochus se ingerere in administratione oblationum vel eleemosynarum in dicto oratorio recollectarum, vel capsula pro illis recipiendis exposita clavem retinere, in casu, etc.

VIII. An dictus parochus possit se ingerere in distributione subsidii dotalis dari soliti quolibet anno a dicta confraternitate, in casu, etc.

IX. An confraternitas possit facere suas congregationes absque licentia et interessentia parochi, in casu, etc.

X. An et quando parochus est paratus ad sepelienda cadavera pauperum defunctorum, seu occisorum, possit ea sepelire confraternitas mortis, in casu, etc.

XI. An parochus dicta cadavera sepelire et Januas ecclesie aperire recusante, possit eadem confraternitas ea sepelire in ecclesia parochiali, eamque aperire per vim, in casu, etc.

XII. An liceat capellano dicte societatis facere benedictionem et distributionem candelarum in dicto oratorio pro confratribus et sororibus in festo sanctissimae Purificationis, in casu, etc.

XIII. An processus et comminatio censurarum contra dictos confratres sustineatur, in casu, etc.

Sacr. congr. Conc. die 24 Septembris 1718 respondit: Ad I, gaudere indulgentiis et privilegiis archiconfraternitatis aggregantis; ad II, affirmative; ad III, affirmative; ad IV, affirmative, nisi accedat licentia episcopi; ad V, ad primam partem affirmative; ad secundam negative, nisi accedat licentia episcopi; ad VI, affirmative ad primam partem, negative ad secundam; ad VII, negative; ad VIII, negative; ad IX, affirmative; ad X, negative; ad XI, affirmative ad formam Bullae, et ad mentem; ad XII, affirmative; ad XIII, negative.

34. MANTUANA applicationis sacrificii, in qua ad sequens dub.

An capellanus teneatur Missam applicare pro suffragio animae fundatoris, vel potius teneatur ad solam Missae celebrationem, in casu, etc.

Sacr. congr. Conc. die 19 Novembris 1718 respondit: Negative quoad primam partem; et affirmative quoad secundam.

35. DERTHONEN. Jurium parochialium, in qua ad seq. dub.

I. An constet de matricitate ecclesiae collegiatae Sanctae Mariae Novarum, seu potius de alio titulo, aut specie superioritatis?

II. An jus benedicendi fontem et cereum paschalem in die Sabbati Sancti spectet privative ad dictam ecclesiam collegiatam? Et quatenus affirmative.

III. An parochi ecclesiarum SS. Petri, Andreae et Nicolai, teneantur in dicta die Sabbati S. accedere ad dictam ecclesiam collegiatam, et praestare per se, vel mediantibus eorum deputatis, assistentiam personalem benedictioni fontis et cerei.

IV. An dicti parochi possint in die Sabbati S. pulsare campanas ante signum collegiatae.

V. An in feria sexta hebdomadae sanctae possit cooperiri crux ante ecclesiam collegiatam.

VI. An competat ecclesiae collegiatae jus recipiendi ab Ordinario oleum sanctum, illudque privative distribuendi et consignandi parochis.

VII. An jus benedicendi sponsas et puerperas spectet privative ad parochos.

VIII. An competat capitulo collegiatae jus convocandi parochos in propria ecclesia occasione funerum et processionum.

IX. An occasione processionum seu funerum fa-

ciend. cum interessentia capituli, teneantur parochi incedere sub cruce capituli, seu potius, an, et sub qua cruce sit incedendum.

X. An accedente capitulo dicte ecclesiae collegiatae ad funus, debeatur praecedentia parochis, seu potius archipresbytero collegiatae.

XI. An jus deferendi stolam in processionibus et funeribus competat privative archipresbytero et capitulo collegiatae.

XII. Stiarum frumenti occasione funerum patris vel matris familias, aliaque oblationes funebres, an et pro qua rata dividi debeant inter ecclesiam collegiatam et parochos.

XIII. An in processionibus solemnibus et rogationibus possit capitulum et archipresbyter ingredi alias ecclesias, ibique solitas orationes seu functiones peragere.

XIV. An eidem archipresbytero accedenti ad infirmos pro danda benedictione in articulo mortis, liceat deferre superpellicem et stolam sine licentia parochi.

XV. An canonicus ecclesiae collegiatae habitans in domo sita intra fines alterius parochiae, ex quo dicta ecclesia collegiata caret aedibus canonicalibus, teneatur in ultima infirmitate recipere sacramenta ab ecclesia collegiata, vel potius a parocho domicili.

XVI. An idem canonicus decedens, non electa sibi sepultura, debeat sepeliri in ecclesia collegiata, vel in parochia domicili.

Sacr. congregat. Concilii die 3 Decembris 1718 respondit: Ad I, negative quoad primam, et affirmative quoad secundam partem; ad II, affirmative; ad III, affirmative; ad IV, negative; ad V, negative; ad VI, affirmative arbitrio tamen episcopi; ad VII, affirmative quoad primam, et negative quoad secundam partem; ad VIII, negative quoad parochum defuncti, affirmative quoad alios parochos, qui ad funus invitantur, et quoad omnes quando ad processiones accedunt; ad IX, Dilata, ad X, negative ad primam partem, affirmative ad secundam; ad XI, negative; ad XII, dilata; ad XIII, affirmative; ad XIV, affirmative in actu benedictionis; ad XV, affirmative quoad primam partem, negative quoad secundam, ad XVI, affirmative, dummodo adsit sepulcrum canonicorum.

36. ROMANA. Capellaniae, in qua ad seq. dub.

I. An Balthassar institui valeat ad capellaniam, ad quam fuit praesentatus, non obstante quod tempore praesentationis non esset sacerdos, et quatenus negative.

II. An eidem sit indulgentia dispensatio, et in casu, etc.

Sacr. congr. Concil. die 4 Februarii 1719 respondit: Ad I, affirmative; ad II, provisum in primo.

37. ALEXANDRINA, in qua ad sequens dub.

An Patres congregationis Somaschae teneantur ad applicationem Missae celebrandae in aurora, in casu, etc.

S. congr. Concil. die 18 Martii 1719 respondit: Affirmative.

38. CASALEN. Residentiae, in qua ad sequens dub. An canonici ecclesiae collegiatae oppidi Lu nominati per familiam de Belliardis post decretum sacrae congregationis Concilii emanatum de anno 1699, et per eandem familiam imposterum nominandi, habeant onus formalis residentiae personalis praecise, in casu, etc.

Sacr. congreg. Concil. die 18 Martii 1719 respondit: Negative, et amplius.

39. FERRARIEN. In qua ad seq. dub.

I. An dignitates, canonici, mansionarii, et capellani capituli, qui omnes ex usu et consuetudine tenentur celebrare in cathedrali ecclesia Missas conventuales, teneantur ad easdem applicandas pro benefactoribus, et quatenus affirmative.

II. An celebrantibus et applicantibus Missas conventuales solvenda sit eleemosyna a capitulo, et quatenus affirmative.

III. An pro eleemosyna dictarum Missarum conventualium teneantur contribuere omnes constituentes corpus capituli, sive sacerdotes, sive diaconi, sive subdiaconi, et sive participant, sive non participant de massa distributionum.

IV. An supposita obligatione applicationis Missae conventuales, teneatur capitulum imposterum continuare in recitatione nocturna a Mortuis, et in celebratione Missae cantatae cum applicatione prima die cujuslibet mensis non impedita pro benefactoribus.

V. An capellani curati amovibiliter a capitulo deputati pro exercitio curae animarum teneantur diebus Dominicis et festis Missam applicare pro populo, et quatenus affirmative.

VI. An eleemosyna sit iisdem persolvenda ab archipresbytero, vel a capitulo, et quatenus solvenda sit a capitulo.

VII. An eleemosyna desumenda sit ex massa distributionum, vel ex fructibus praebendae singulorum canonicorum.

Sacr. cong. Conc. die 18 Martii 1719 respondit: Ad I, affirmative; ad II, affirmative; ad III, affirmative sed ex massa distributionum; ad IV et V, affirmative; ad VI, eleemosynam esse persolvendam a capitulo in casu; ad VII, esse desumendam ex massa distributionum.

40. AQUIPENDII. Indulti, in qua de seq. dub.

I. An canonicus seraphinus vigore indulti jubilationis, si choro non intersit, participare debeat de punctaturis, seu fallentiis, in casu, etc.

II. An idem participare debeat de emolumentis adventitii anniversariorum, et associationum cadaverum, si functionibus non intersit, in casu, etc.

Sacr. cong. Conc. die 1 Aprilis 1719 respondit: Ad I, affirmative, et amplius; ad II, affirmative ad primam partem, dummodo non obstet voluntas testatoris, vel dantis; ad secundam partem negative.

41. MEDIOLANEN. Oneris Missarum, in qua ad seq. dub.

An haeres teneatur supplere, vel potius sit locus reductioni oneris, in casu, etc.

Sacr. cong. Conc. die 1 Aprilis 1719 respondit: Quoad primam dubii partem negative; ad secundam affirmative.

42. MACERATEN. Jurium parochialium, in qua ad sequens dub.

I. An liceat praeposito S. Georgii Terrae Urbisaliae, et invito plebano ecclesiae S. Laurentii, benedicere in hebdomada majori seu in Octava Paschatis Resurrectionis cum stola, vel sine, domos eidem plebaniae subjectas, in casu, etc.

II. An eidem praeposito liceat intervenire funeribus et associare cadavera parochianorum plebaniae S. Laurentii, ubi non fuerit vocatus, vel a plebano, vel a familiaribus, seu haeredibus defuncti.

III. An, ubi intervenierit, possit invito plebano exigere unum intortitium ex iis quae circa cadaver deferuntur, et apponuntur, vel potius dicto praeposito dictum intortitium tradi debeat ab haeredibus defuncti.

IV. An dictus praepositus et clerus teneatur in hebdomada majori, et in nocte Nativitatis, et in aliis festivitibus interesse functionibus in dicta plebania.

V. An et quomodo liceat praeposito peragere processionem, et in ea exercere functiones solitas in altero ex diebus Rogationum.

VI. An et quomodo in aliis solitis processionibus liceat praeposito intervenire cum plebano, in casu, etc.

VII. An et cui in functionibus explendis in eccle-

siis existentibus intra limites plebaniae, vel in aliis locis tertiis, interveniente plebano, et praeposito, praereminentia debeatur, in casu, etc.

VIII. An liceat praeposito praedicto alternative cum plebano retinere in ipsius domo concionatorem tempore Quadragesimae.

IX. An et quomodo liceat praeposito celebrare in ipsis ecclesiis Missas et Officia communitatis.

X. An et cui competat jus deputandi quaestutores in Quadragesima pro eleemosynis animarum purgantium.

XI. An Missae cum dictis eleemosynis celebrandae celebrari debeant in ecclesia plebaniae S. Laurentii, vel in altera praepositorum.

XII. An illi qui a praeposito sacramenta recipiunt teneantur pro fructibus recollectis in praediis plebaniae subjectis, solve decimas plebano, in casu, etc.

Sacr. cong. Conc. die 17 Junii 1719 respondit: Ad I, II et III, negative; ad IV, affirmative in hebdomada majori, et nocte Nativitatis; ad V et VI, licere praeposito facere secundam processionem Rogationum, et aliis processionibus intervenire, quae fiunt a plebano, ita tamen, ut praecedentia competat praeposito in sola processione secunda Rogationum, in aliis vero plebano; ad VII, deberi praecedentiam plebano; ad VIII, affirmative; ad IX, affirmative, sed alternatim; ad X et XI, servandum esse decretum Visitationis, donec aliter ab episcopo statutum fuerit, et amplius in omnibus; ad XII, dilata, et examinentur hinc inde formiter testes.

43. BRUNDUSINA. Adimplementi, in qua ad sequens dub.

I. An fratres sint capaces legati in casu de quo agitur, et quatenus negative.

II. An haeres legatum seu onus celebrationis Missarum ab altari S. Francisci de Paula transferre possit ad ecclesiam collegiatam S. Liberiani, et quatenus negative.

III. Quomodo dictus haeres adimplere valeat onus impositum celebrationis Missarum.

Sacr. cong. Conc. die 26 Augusti 1719 respondit: Ad I et II negative; ad III, posse haeridem census creare et assignare pro onere Missarum, sed creare, et assignare cum auctoritate episcopi, cui scribatur juxta mentem, ita ut novus Censuarium se obliget solve Patribus eleemosynam ad formam testamenti.

44. AUXIMANA. Restaurationis ecclesiae, in qua ad seq. dubium.

An mantentio seu reaptamentum ecclesiae parochialis et matricis terrae Staphili spectet ad plebanum, seu parochum, vel potius ad communitatem, in casu, etc.

Ead. sac. Cong. die 26 Augusti 1719 respondit: Ad primam partem affirmative; ad secundam negative, et amplius.

45. NOVARIEN. Aggregationis, in qua ad sequens dubium.

An sit standum vel recedendum a decisis die 24 Sept. anni 1718, in casu, etc.

Sacr. cong. eadem die 15 Januarii 1720 respondit: Ad I, in decisis; ad II, in decisis, arbitrio tamen eminentissimi episcopi, attentis circumstantiis facti; ad VII, in decisis, nisi aliter demandetur ab eminentissimo episcopo; ad XII, ad mentem, ad XIII, in decisis.

46. FERRARIEN. Applicationis Missarum, in qua ad seq. dub.

An sit standum, vel recedendum a decisis die 26 Martii 1718, in casu, etc.

Sacr. cong. Concil. die 24 Februarii 1720 respondit: Standum in decisis et ampl.

47. SANCTI MARCI, in qua ad seq. dub.

I. An Horarium a reverendissimo episcopo praescriptum pro horis canonicis recitandis, et sacris



functionibus absolvendis in ecclesia S. Marci sustineatur, et observari debeat.

II. An in accessu reverendissimi episcopi ad ecclesiam cathedralem, et in illius recessu ad palatium episcopale, ipse associari debeat a canonicis, et quomodo.

III. An quaestio pro suffragio animarum purgantium fieri solita injungi valeat per episcopum personae laicae.

IV. An deputatio laici in sacristiam cathedralis ecclesiae sustineatur.

V. An dato assueto signo per sonitum campanae pro recitatione Officii, sit expectandus accessus reverendissimi episcopi.

VI. An capitularibus sit injungendum novum onus cantus Gregoriani in recitandis Horis canonicis.

VII. An divisio servitii chori inter canonicos et clericum cathedralis dietim et per turnum sit observanda, in casu, etc.

Sac. cong. Conc. die 15 Aprilis 1720 respondit: Ad I, ad mentem; ad II, affirmative, et episcopum esse associandum a canonicis habitu canonicali indutis ab aula palatii ad ecclesiam, et ab ecclesia ad aulam, dummodo episcopus sit cappa indutus; ad III, affirm.; ad IV, sacristem debere saltem esse clericum; ad V, affirm. juxta modum insinuatam ab episcopo Bisiniano. in sua relatione; ad VI, affirmative juxta pariter modum insinuatam ab eodem episcopo; ad VII, servitium praestandum esse per hebdomadam, et amplius in omnibus.

48. PORTALEGREN. in qua ad seq. dub.

An supposita consuetudine immemorabili, licitum sit conferre primam tonsuram et minores ordines sexta post prandium ante diem Sabbati Quatuor Temporum, in casu, etc.

Sac. cong. Conc. die 13 Aprilis 1720 respondit: Affirmative quoad primam tonsuram, et quoad ceteros minores ordines, consuetudinem immemorabilem tolerari posse, sed expedire ut episcopus se conformet Pontificali Romano, titulo De minoribus ordinibus.

49. COMEN. Missae parochialis, et conventualis, in qua ad seq. dub.

I. An capitulum et canonici collegiatae S. Euphemiae insulae teneantur applicare Missam conventualem pro fundatoribus et benefactoribus.

II. An singuli eorum teneantur a die adeptae possessionis eorum canonicatum satisfacere Missas conventuales hucusque non applicatas.

III. An ultra Missam conventualem sit celebranda ab archipresbytero paroco Missa parochialis diebus festis, hora congrua populo, et pro eo applicanda.

IV. An idem facere debeat in diebus ferialibus Quadragesimae in quibus in ecclesia parochiali habentur conciones, cum vel sine applicatione.

V. An occurrente quod archipresbyter parochus celebret Missam conventualem, vel alias legitime absit, vel sit impeditus tam in diebus festis quam ferialibus Quadragesimae, teneatur celebrare facere per alium Missam parochialem pro populo, ut supra.

VI. Qua hora concio diebus Quadragesimae haberi debeat.

VII. An archipresbyter teneatur satisfacere Missas etiam parochiales hucusque non applicatas.

Sac. congreg. Conc. die 11 Maii 1720 respondit: Ad I, affirmative; ad II, ad mentem; ad III, affirmative; ad IV, affirmative, sed sine applicatione; ad V, affirmative sed cum applicatione diebus festis tantum; ad VI, arbitrio episcopi, ad VII, affirmative, et ad mentem, ut in II.

50. VENETA, in qua ad seq. dub.

An permittendum sit quod in ecclesia collegiata et parochiali S. Pauli nocte Nativitatis Do-

mini prima noctis hora Missa celebretur, in casu, etc.

Sac. cong. Conc. die 13 Julii 1720 respondit: Negative.

51. COLONIEN. in qua ad seq. dub.

I. An confessarii regulares possint saeculares extra mortis periculum absolvere a casibus Ordinariorum reservatis, in casu, etc.

II. An confessarii Monialium exemptarum, et praelati Regularium subjectarum possint easdem etiam extra mortis periculum absolvere a casibus episcopo reservatis, in casu, etc.

III. An supposito edicto supra recensito confessarius regularis extra mortis periculum absolvere possit saecularem complicem criminis carnalis externi mortaliter peccaminosi secum commissi, in casu, etc.

IV. An supposito pariter eodem edicto confessarius regularis Monialium exemptarum absolvere possit Monialem complicem criminis carnalis externi mortaliter peccaminosi secum commissi, in casu, etc.

Sac. cong. Conc. die 16 Novembris 1720 respondit: Ad I, negative; ad II, affirmative, praeterquam quoad casus quos episcopus sibi reservaverit in materia clare spectante ad jurisdictionem delegatam; ad III, negative; ad IV, affirmative quatenus non sit violata clausura.

Sed nunc quoad hoc est observanda novissima constitutio sanct. mem. Summi Pontificis Benedicti XIV, incip. Sacramentum Penitentiae, relata in tom. II hujus Bibl. sub verb. Complex peccati, num. 1, 2, 3. Vide ibi, et serva.

52. DUBIA Concursus, ubi ad seq. dub.

I. An in concursibus, qui imposterum fient occasione vacationis ecclesiarum parochialium praecipuum sit ut eadem omnino quaesita omnibus concurrentibus proponantur, et quod unusquisque ex concurrentibus intra congruum tempus assignandum debeat in scriptis satisfacere quaesitis propositis, et an ulterius praecipuum sit, ut unusquisque ex concurrentibus sermonem scribat super textu Evangelii omnibus concurrentibus assignando.

II. An et quantum tempus praefigendum sit illis qui intendunt appellationem interponere, vel a mala relatione examinatorum, vel ab irrationabili iudicio episcopi.

III. An ante concessionem novi examinis, appellans a mala relatione examinatorum, vel ab irrationabili iudicio episcopi, in eo quod attinet ad litteraturam, debeat imposterum docere de gravamine ex actis primi concursus, in quo tam suam quam concurrentium responsiones proprio caractere una cum concionibus scriptae invenientur.

IV. An ante appellationis admissionem, appellans ab irrationabili iudicio episcopi, non ex capite litteraturae, sed aliarum qualitatium, teneatur docere de gravamine, aut ex actis primi concursus, aut ex aliis documentis, saltem extrajudicialibus ab ipso exhibendis.

Sac. cong. Conc. die 16 Nov. 1720 respondit: Ad I, affirmative per modum instructionis; ad II, esse praefigendum tempus decem dierum ad appellandum; ad III, affirmative, et doceatur de gravamine, vel ex actibus originalibus concursus, vel ex copia authentica collationata ad formam juris; ad IV, affirmative.

53. NULLIUS, seu FAREN. Reparationis ecclesiae, in qua ad seq. dub.

An et a quibus sit contribuendum in reparatione ecclesiae parochialis S. Petri in Penna Firmanae dioecesis, in casu, etc.

Sac. cong. Conc. die 8 Februarii 1721 respondit: Esse contribuendum a paroco, ut beneficalis, ad ratam redituum, et amplius.

54. ROMANA Capellania, in qua ad seq. dub.

An capellania de qua agitur sit laicalis, sive

potius ecclesiastica, in casu, etc.

Sac. cong. Conc. die 12 Julii 1721, respondit: Affirmative quoad primam, et negative quoad secundam partem.

55. ELBORNEN. Dubiorum, in qua ad seq. dub.

I. An coadjutor ejusdem canonicatus cum futura successione, et assignata congrua, alias exterius, eo ipso dici possit subjectus capitulo Elbornen. ad effectum suscipiendi ordines, absque alia dimissoria episcopi suae originis.

II. An supradicta coadjutoria sufficiat saltem, ut talis coadjutor dicatur habere domicilium requisitum a constitutione S. M. Innocentii XII, incip. Speculatores ad effectum suscipiendi ordines, ex eo quod ex possessione talis coadjutoriae perpetuae, videtur sufficienter demonstratus animus perpetuo permanendi.

III. An idem episcopus auxiliaris teneatur inquirere, utrum circa illos, qui sibi ab Ordinario, seu capitulo proponuntur, seu dimittuntur ordinandi, satisfactum sit supradictae constitutioni Speculatores, non obstante quod ipsi non competat habere, et expedire ordinandos, sed provisorio capitulo, a quo non in genere, sed expresse personae habiles, et expeditae proponuntur.

Sac. cong. Conc. die 25 Augusti 1721, respondit: Ad I affirmative; ad II, satis provisum in primo; ad III, non teneri inquirere, sed posse, et debere, juxta subsistente causa, se abstinere ab ordinatione.

56. DUBIUM Visitationis, ubi ad sequent. dub.

I. An vicarius capitularis Scardonens. facere possit visitationem civitatis et dioecesis.

II. An facere possit visitationem personalem capitularium, in casu, etc.

Sac. cong. Conc. die 15 Septembris 1721, respondit: Ad I et II, affirmative, dummodo elapsus sit annus a die ultimae visitationis factae ab ordinario.

57. ASTEN. Officii Fabricerii, in qua ad sequent. dub.

I. An electio ad officium Fabricerii in personam D. canonici Goria sustineatur in casu, et quatenus affirmative.

II. An canonicus Goria sit excusandus ab acceptance dicti officii, in casu, et quatenus negative.

III. An exercere teneatur per se ipsum, vel illud exercere valeat per suum coadjutorem, aut alium ex beneficiatis ejusdem cathedralis ab ipso substituentium, in casu, etc.

Sac. cong. Conc. die 2 Octobris 1721, respondit: Ad I, affirmative; ad II, negative; ad III, negative quoad primam partem, affirmative ad secundam, negative ad tertiam.

58. BIRECTEN. in qua ad seq. dub.

I. An obtinens primum beneficium, sive liberae collationis, sive de jure patronatus laicorum ad sui sustentationem sufficiens possit absque dispensatione apostolica retineri secundum de jure patronatus laicorum, in casu, etc.

II. An obtinens duo beneficia, sive liberae collationis, sive de jure patronatus laicorum, minime sufficientia ad congruam sustentationem, possit retinere tertium, et quantum de jure patronatus laicorum absque dispensatione apostolica, in casu, etc.

III. An id, quod procedit in retentione beneficiorum procedere etiam debeat in legatis piis, et capellanis de jure patronatus laicorum, in casu, etc.

Sac. cong. Conc. die 6 Decembris 1721, respondit: Ad I, negative; ad II, negative, et ad mentem; ad III, negative.

59. LUCANA Funerum, in qua ad sequent. dub.

I. An cadavera defunctorum sepelienda in ecclesia Patrum Minorum Observantium Terrae Petrae Sanctae, antequam ad eorum ecclesiam deferantur, debeant prius asportari ad parochialem, et eorum ibi debeat fieri expositio usque ad horam sepulturae, et quatenus negative.

II. An parochus teneatur restituere ceram, et alia

emolumenta percepta occasione associationis, et expositionis in sua ecclesia cadaverum Angelae, et Annae, in casu, etc.

Sac. cong. Conc. die 14 Martii 1722 respondit: Ad I negative, ad II affirmative.

60. VELITERNA, in qua ad seq. dub.

I. An canonici collegiatae ecclesiae oppidi di Core teneantur quotidie Missam conventualem celebrare, et quatenus affirmative.

II. An teneantur quotidie dictam Missam conventualem applicare pro benefactoribus, et quatenus affirmative.

III. An, et quae exemptio, sive a celebratione, sive ab applicatione Missae conventualis iisdem, attenta praebendarum tenuitate, sit indulgenda, in casu, etc.

Sac. cong. Conc. die 14 Martii 1722, respondit: Ad I, affirmative; ad II, affirmative; ad III, posse indulgeri, ut Missas applicant diebus tantum festis de praepcepto.

61. VITERBIEN. Visitationis sacrorum liminum, in qua ad sequens dub.

An Patres Capuccini capellani treremium Summi Pontificis excipere possint confessiones remigum sine approbatione episcopi Viterbiensis, et aliorum in treremibus degentium, sive quando remiges, et alii sunt in Darsena, sive quando remiges, alisque in treremibus degentes sunt in civitate Centum Cellarum, in casu, etc.

Sac. cong. Conc. die 18 Aprilis 1722, respondit: Posse Patres Capuccinos sine approbatione Ordinarii Viterbien. et cum sola approbatione Urbis vicarii excipere confessiones remigum, et aliorum in treremibus continuo degentium, tam in ipsis treremibus, quam in portu, et receptaculo vulgo Darsena, et in hospitio in Darsena existente, sed non posse eosdem Patres Capuccinos excipere eorumdem confessiones in civitate Centum Cellarum sine approbatione Ordinarii Viterbien.

62. JANUEN. Jurisdictionis, in qua ad sequens dub.

An, et de cujus bono jure constet procedendi in criminalibus contra canonicos et capitulares metropolitanae Januensis una cum, vel sine adjunctis, etiam ad effectum manutationis, in casu, etc.

Sacra cong. Concil. die 4 Julii 1722, respondit: Constare de bono jure eminentiss. archiepiscopi procedendi in criminalibus contra canonicos sine adjunctis, etiam ad effectum manutationis.

63. MELPHITEN. in qua ad sequent. dub.

I. An edictum reverendissimi episcopi sustineatur, et quatenus affirmative.

II. An sit toleranda gestatio perucchae in casu, de quo agitur, etc. Vide ibi, ubi afferuntur plura decreta prohibentia gestare peruccham in celebratione Missae.

Sac. cong. Concil. die 8 Augusti 1722, respondit: Ad I, affirmative, ad II, negative in casu de quo agitur.

64. ULIXBONEN. Occidentalis in quo ad sequent. dub.

I. An liceat confessariis regularibus Monialium iisdem subjectarum habitare in mansionibus sitis in atris monasteriorum muro circumvallatis, et quae sunt contigua monasteriis, et habent portam, quae clauditur, in casu, etc.

II. An famuli et famulae Monialium saeculares in iisdem mansionibus degentes teneantur recipere sacramentum Eucharistiae tempore paschali a parochis in quorum parochiis monasterium et mansiones sitae sunt, in casu, etc.

III. An ad dictos parochos spectet sacramenta dictis famulis, et famulabus ministrare in casu ultimae infirmitatis, in casu, etc.

Sac. cong. Concil. die 17 Septembris 1722, respondit: Ad I, negative, ad II, affirmative, ad III, affirmative et amplius in omnibus.

65. SPOLETANA, in qua ad sequent. dub